

UGOVOR o nabavci robe

zaključen između:

1. **Agencije za zaštitu ličnih podataka u Bosni i Hercegovini**, Dubrovačka broj 6, Sarajevo, koju zastupa direktor dr. Dragoljub Reljić (u daljem tekstu: Ugovorni organ), ID broj: 4201361110005 sa jedne strane, i
2. **Alf-om d.o.o.**, ulica Vojvode Radomira Putnika broj 38, Istočno Sarajevo, kojeg zastupa Miroslav Simjanoski (u daljem tekstu: Dobavljač), ID broj: 4400810890048, sa druge strane.

Član 1.

- (1) Na osnovu provedenog postupka javne nabavke robe putem direktnog sporazuma Ugovorni organ je Odlukom o izboru najpovoljnijeg ponuđača broj: UP1 08-16-19-17-9/24 od 01.11.2024. godine, ocijenio ponudu Dobavljača od 25.10.2024. godine prihvatljivom i ista čini sastavni dio ovog Ugovora.
- (2) Predmet ovog Ugovora je nabavka računarske opreme za potrebe Ugovornog organa uz poštivanje svih normi kvantiteta i kvaliteta usluge.

Član 2.

Ugovorni organ i Dobavljač su saglasni da Ugovor realizuju prema već definisanim uslovima u postupku direktnog sporazuma za dostavu ponuda i to:

- Ugovorni organ prema postupku direktnog sporazuma i
- Dobavljač prema dostavljenoj ponudi.

Član 3.

Vrijednost ovog Ugovora iznosi 3163,50 KM bez PDV-a.

Ugovorni organ ne smije imati nikakvih dodatnih troškova osim cijene iz ovog člana ugovora.

Član 4.

Ugovorni organ će plaćanje Dobavljaču vršiti u skladu sa trezorskim sistemom plaćanja, žiralno u roku od 30 (trideset) dana od dana prijema uredne fakture za plaćanje.

Član 5.

Dobavljač se obavezuje da će robu u skladu sa specifikacijom iz obrasca za cijenu ponude – robe u cjelosti isporučiti Ugovornom organu, u roku od 30 dana od datuma obostranog potpisivanja ovog Ugovora.

Mjesto isporuke robe je sjedište Ugovornog organa u ulici Dubrovačka broj 6, Sarajevo.

Dobavljač snosi sve rizike do konačnog prijema robe u sjedištu Ugovornog organa.

Dobavljač se obavezuje da robu fakturiše u ugovorenim rokovima, na osnovu otpremnice potvrđene od strane Ugovornog organa.

Dobavljač se obavezuje na uredno izvršenje predmetne nabavke.

U slučaju propusta Dobavljača da postupa po Ugovoru, Ugovorni organ utvrđuje razumni rok od 15 (penaest) dana za ispravku eventualnih propusta.

Dobavljač se obavezuje da će predmetnu nabavku, izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

Član 6.

Ukoliko jedna od ugovornih strana ne izvrši ugovorene obaveze, druga ugovorna strana ima pravo jednostrano raskinuti ugovor, na osnovu izjave date u pisanoj formi.

Ugovorna strana čijom krivicom je došlo do jednostranog raskida ugovora, dužna je drugoj ugovornoj strani nadoknaditi štetu, zbog raskida ugovora.

Član 7.

Dobavljač se obavezuje nadoknaditi štetu Ugovornom organu u slučaju kašnjenja u isporuci robe.

U slučaju kašnjenja do kojeg je došlo krivicom Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 8.

Dobavljaču se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tehničke specifikacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju Ugovora.

Član 9.

Ovaj Ugovor se zaključuje na period do potpune realizacije i isporuke robe koja je predmet Ugovora, a stupa na snagu danom obostranog potpisivanja od strane ovlaštenih lica Ugovornih strana.

Svi rokovi u vezi sa ovim Ugovorom računaju se od dana stupanja Ugovora na snagu, ukoliko posebnim odredbama nije ugovoren neki drugi datum kao početak tog roka.

Sve eventualne sporove nastale pri realizaciji ovog Ugovora, Ugovorne strane će rješavati sporazumnim putem, u protivnom, ugovara se nadležnost Suda Bosne i Hercegovine.

Na sva prava i obaveze Ugovornih strana koja nisu regulisana ovim Ugovorom, primijenit će se odredbe Zakona o obligacionim odnosima.


Član 10.

Ugovor je sačinjen u 5 (pet) istovjetnih primjerka, od kojih Dobavljač zadržava 2 (dva) primjerka, a Ugovorni organ 3 (tri) primjerka.

DOBAVLJAČ




Miroslav Simjanoski




Broj: 172/24

Datum, 03.11.2024.

UGOVORNI ORGAN



dr. Dragoljub Reljić



Broj: UP1 08-16-19-17-11/24

Datum, 05.11.2024. godine